



Broj: 05-04-20-4064-5/24  
Maglaj, 22.11.2024. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-4064-3/24 od 20.11.2024. godine, u postupku javne nabavke „Nabavka računara i računarske opreme“, Općinski načelnik donosi

## ODLUKU

o izboru najpovoljnijeg ponuđača  
(LOT 1)

### I

Prihvata se preporuka Komisije za javne nabavke i ugovor o nabavci računara za potrebe općinske administracije dodjeljuje se ponuđaču „Fractal“ d.o.o. Žepče, u skladu sa ponudom broj 660/2024 LOT-1 od 14.11.2024. godine, po ukupnoj cijeni od **11.068,55 KM bez PDV-a**, odnosno **12.950,20 KM sa PDV-om**.

### II

Izabrani ponuđač iz tačke I oslobada se obaveze dostavljanja dokumentacije koja je tenderskom dokumentacijom utvrđena kao dokumentacija koju dostavlja izabrani ponuđač, s obzirom da je istu dostavio uz ponudu.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-4064-1/24 od 05.11.2024. godine, pokrenut je postupak javne nabavke „Nabavka računara i računarske opreme“, podijeljen na dva lota:

LOT 1: Nabavka računara za potrebe općinske administracije

LOT 2: Nabavka računarske opreme za potrebe Lokalnog readmisionog tima Maglaj

Predmetna javna nabavka objavljena je na portalu javnih nabavki, obavještenje o nabavci broj 1140-7-1-108-3-117/24 od 07.11.2024. godine. Sažetak obavještenja o nabavci objavljen je u „Službenom glasniku BiH“, broj 78/24.

Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su za LOT 1 (Nabavka računara za potrebe općinske administracije) blagovremeno zaprimljene dvije ponude, prema redoslijedu zaprimanja kako slijedi:

r/b	Naziv ponuđača	Sjedište ponuđača	Datum i vrijeme zaprimanja	Broj protokola
1.	„Fractal“ d.o.o. Žepče	Ul. Prva bb, Žepče	15.11.2024. 07,58h	8989
2.	„Neutrino“ d.o.o. Tuzla	Klosterska 30, Tuzla	18.11.2024. 09,00h	9045

Neblagovremenih ponuda nije bilo.

Obje zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Komisija je potom, na zatvorenoj sjednici, izvršila pregled i ocjenu ponuda, prilikom čega je utvrdila da ponuda ponuđača „Neutrino“ d.o.o. Tuzla ne ispunjava zahtijevane uslove, tačnije ponuđena roba ne zadovoljava tehničke specifikacije tražene tenderskom dokumentacijom. U ponudi za lot 1 Komisija je utvrdila sljedeće nedostatke:

- 1) stavka broj 2 (Monitor) – ponuđena frekvencija je 75 Hz (traženo 100 Hz), ponuđeno osvjetljenje je 200 cd/m<sup>2</sup> (traženo 300 cd/m<sup>2</sup>)
- 2) stavka broj 3 (Desktop brand name računar) – ne posjeduje Display port
- 3) stavka broj 4 (Monitor) – ponuđena veličina je 21,45" (traženo 23,8"), ne posjeduje Display port
- 4) stavka broj 5 (Laptop brand name računar) – ne posjeduje adapter USB-c na RJ-45, ne posjeduje Office Home and Business 2024

S obzirom da ponuđena roba ne zadovoljava zahtijevane karakteristike iz tenderske dokumentacije, Komisija je ovu ponudu ocijenila neprihvatljivom.

Ponuda ponuđača „Fractal“ d.o.o. Žepče je ocijenjena prihvatljivom, budući da je Komisija utvrdila da ova ponuda ispunjava sve zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Slijedom navedenog, u postupku je preostala samo jedna prihvatljiva ponuda, te planirana e-aukcija nije održana.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku računara za potrebe općinske administracije dodijeli ponuđaču „Fractal“ d.o.o. Žepče. Preporuka je,

zajedno sa izvještajem o radu Komisije, dostavljena rukovodiocu ugovornog organa 21.11.2024. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa cijenom koja ne prelazi osigurana sredstva za ovu nabavku, slijedom čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković

